

Известия

ВКП(б)-лэн УАССР-ысь
Ярской Райномезлэн но
РИК-лэн органы.

Адрес: посёлок Яр Уд. АССР
Телефон № 43. дурыз 5 коп.
10-тй арзэ потэ.

Колхозной животноводствоез разви- вать карон бордын по-большеви́стски у ж а н о

Азыпалан общественной колхозной животноводствоез развивать карон'я 1939 но 1940 ар'ёс чоже партия но правительство замечательной решениос лэзиз ни. Колхоз'ёсыя общественной животноводствоез развивать карон мероприятиос сярсь постановление, азыланьын социалистической животноводствоез развивать каронлы бад'зым толчэк сётйз. Сельскохозйственной продукт'ёсты заготовлять но закупать карон-лэн выль порядкез азыпалан колхозной производствоез паськытатонлы колхоз'ёслэсь заинтересованностьсэс жутэ.

Животноводство колхозной производствоез самой бад'зым инты басьтэ. Полеводствоез но животноводствоез валче нуыса передовой колхоз'ёс бад'зымьсь успехсэс басьто, страдалы трос пёртэм сельскохозйственной продукт'ёс сёто, возможность басьто выльыко урожай басьтыны но азыпалан вань хозяйствозэс жутонлы.

Колхозной животноводство бордын умой ужаса асьме районьсь но тросэз колхоз'ёс бад'зымьсь азинскон'ёс бастызы ни. Но всеже верано луэ, что та важнейшой уж бордын районьсьтымы тросэз колхоз'ёсы чидантэм урод ужало на. СССР-лэн СНК-езлэсь но ВКП(б)-лэн ЦК-езлэсь 8 июне 1939 аре кутэм постановленизэс ужен лэб быдэ'яло. 1939 арын общественной животноводствоез развивать карон'я планы тырмытымтэ.

1940 арын нудо вордон'я планэз тырмытыны понна туэ аре 2032 йыр ыж'ёсты, 205 йыр парсьпиосты но 120 йыр крупной рогатой пудоосты басьтоно. Туинэ нуналозь бастэмын нышна 48 крупной рогатой пудоос, 12 ыж'ёс но 2 йыр парсьёс гинэ.

Туэ аре выль фермаос организовать кароно 1 МТФ, 58 колхоз'ёсын ОТФ но 11 колхоз'ёсын СТФ фермаос. Та выль фермаосты организовывать карон бордын колхоз'ёс пичи но ёз лэсьтэ на, а райзо толыктэм совещаниос гинэ ортчыт'я, куд'ёсыз бере

азывыл семен ик колхоз'ёсын номыре но уг лэсьтыськы.

Юнгес ик выль фермаосты организовать карон но вуж'ёссэ пудоосын комплектовать карон бордын номыре но уг на лэсьто Кычино сельсоветысь „Выль улон“, Бачумово сельсоветысь Володарскийлэн нимыныз нима колхоз'ёс но мукет'ёсыз. Та колхоз'ёслэн председателёсы Данилов но Попов эш'ёс видимо, чик ёз валалэ общественной животноводствоез развивать карон'я партилэсь но правительстволэсь решениоссэ или же со решениосты юри выполнять уг каро. „Выль улон“ колхозлы 45 йыр, Володарской нимо колхозлы 50 йыр план'я ыж'ёсты басьтоно. Туинэ нуналозь кыказ ик колхоз'ёсын одйг ыж но бастымытэ на.

Озыы ик уж урод мынэ лугопастбищаосты сузян но кормовой культураосты кизён бордын. План'я 600 гектар йнтые лугопастбищаосты колхоз'ёсын 120 гектар гинэ сузямын на. Лугопастбищаосты сузян'я Чапаевлэн нимыныз нима но „Веселый труд“ колхоз'ёс та дырозь номыре но ёз лэсьтэлэ на. Кормовой культураосты кизён план район'я 70 проценты гинэ тырмытэмын. Та уж юнгес ик урод мынэ Зюкво сельсоветысь колхоз'ёсын.

Наконец дыр вуэмын общественной животноводствоез развивать карон борды по-настоящему кутскыны. Партилэсь но правительстволэсь общественной животноводствоез развивать карон сярсь решенизэс быдэ'янтэм мурт'ёслы дыр вуэмын ВКП(б) райкомлы но райисполкомлы обсудить карыса, кулэ уж'ёс кутыны.

Первичной партийной, комсомольской, советской организации партилэсь но правительстволэсь решениоссэс быдэ'яны призвать каремын. Со решениосты ужен быдэ'яны соос обяыаны. Наконец первичной партийной, комсомольской но советской организации должны кутскыны партилэсь но правительстволэсь решениоссэс по-большеви́стски быдэ'ян борды.

Пар гыронзэс быдэстйзы

Укана сельсоветысь „Усть Сада“, „Сизово“ колхоз'ёс пар гыронзэс 29 мае быдэстйзы. Та нунал'ёсы озыы ик пар

гыронзэс быдэсто ни Крупская эшлэн нимыныз нима но „Красный Яр“ колхоз'ёс.

С. ТРЕФИЛОВ

РСФСР-лэн Верховной Советэзлэн нырысетй созывезлэн Куиньметй Сессиезлэн 1 июне 1940 арын ортчем заседаниез сярсь ИНФОРМАЦИОННОЙ ИВОРТОН

1 июне, 6 часын жытазе, РСФСР-лэн Верховной Советэзлэн заседаниос ортчыт'ян залаз, Кремльын, РСФСР-лэн Верховной Советэзлэн нырысетй созывезлэн Куиньметй Сессиезлэн куатетй заседаниез ортчиз.

Председательствовать каре — РСФСР-лэн Верховной Советэзлэн председателезлэн заместителез депутат П. С. Манарова.

Нуналлэн порядоказ — Автономной Советской Социалистической республикаослэсь конституциоссэс юнатон сярсь доклад'я прениос.

Прениосын выступить карызы депутат'ёс: Г. А. Динму-

хаметов (Кукморской округ, Татарской АССР), З. А. Андреева (Цивильской округ, Чувашской АССР), И. И. Фаттахов (Кигинской округ, Башкирской АССР) но М. А. Чембулатов (Темниковской округ, Мордовской АССР), РСФСР-лэн Юстициезлэн Народной Комиссарез Г. П. Горшенин эш, депутат'ёс: Г. В. Ветошнин (Сыктывкарской округ, Коми АССР) но Т. И. Кавалеров (Горно Марийской округ, Марийской АССР).

Таин РСФСР-лэн Верховной Советэзлэн Куиньметй Сессиезлэн куатетй заседаниез ворсаське.

Етйнымы туж чебер потйз

Кычино сельсоветысь „Выль улон“ колхоз етйнэ 5 май'усен 8 маезь кизиз. Етйнэз кечат вамен кизимы. Минеральной удобренности вань агротехнической правоосты соблюдать карыса пазымын Муз'емез обработать карон выль зечлыкэн ортчытэмын Льяновкалэн, К. Г. Гавриловалэн куать гектар вылэ

кизем етйнэз вож-вож потэм-ын, муэз али ик уг адзыськыны етйнлэсь. Гаврилова эш туж юн сёлмаське участокез понна. Со нуаллы быдэ эскерылэ етйнлэсь состояниез. Мукет'ёсаз но участок'ёсын етйн умой потйз. Етйнмылэсь туэ, бад'зым доход бастыны малпаськом.

ДАНИЛОВ.

Чылкытлык понна нюр'яськон — таза улон понна нюр'яськон

Ворца сельсоветысь Сталин-лэн нимыныз нима колхоз-лэн МТФ-лэн заведующийез Т. Федотова, чылкытлык понна нокбня но уг нюр'яськы Со скал'ёсты кыске скал ноньез миськытэк. Скал кыскемысь пырыкуз кыз нодэсь луэ. Озыы кыскем йблэз го-

сударстволы сдать каро. Асьмеос тодйськом, что кытын нод-отын ик висен. Озыы бере, Федотова висён кылдытэ ук. Таё чидантэм ужез колхозлэн правлениезлы матысь нунал'ёсы ик тупатонэ.

Д. БОЛТАЧЕВ

Озыы ыжгон уг дасяло

Байдалино сельполэн сырьевщикез С. Пашкин ас ужаз урод относиться каре. Гужем дыре колхозник'ёс дырзэс ужны ортчыт'яло. Гуртысь шедьтод соосты нувазе шорын-обеде. Тае Пашкин лыдэ уг басьты. Куйбышевлэн нимыныз нима колхозэ ыжгон дасяны (заготовить) лыктйз Юэмын вал. Колхозник'ёс обедаку изиз. Ваем сдать ка-

рыны ыжгонзэс колхозник'ёс берлань нуоно луизы. Соин гинэ Пашкинлы ёз окмы. Колхоз конторае лыктыса аслэсьтыз „сэзылыкэ“ шараяз на. Вераны ым пыронтэм кыл'ёсын счетоводэз тышкаськыз. Таё заготовительёсты ужез'я но кыл'ёсыз'я но кулэ ум карыське ми.

А. ГЛАВАТСКИХ.

Пойшурась кион пиосты шедьтйз

Воткинской районьсь „Красный запад“ колхозысь пойшурась С. М. Обухов, колхозлэн выль километр кемьсьтыз, вюлэськысь кион карез шедьтйз.

Мумы но айы кион'ёс, сйзым пиоссэс аналтыса пегизы. Обухов сйзымназэ ик кион пиосты Союзпушнинае сдать гариз.

(Удмуртская правда № 129)

Русинов колхозник- лэн опытэз

Сарапульской районьсь „Третий год пятилетки“ колхозлэн бригадирез-огородник Г. Ф. Русинов, кылем сйзылымы улэ чужкушман кидыс пазыз.

Чужкушманлэн всходэз кужмо. Русиновлэн опытэз бад'зым интерессэс жутйз колхозник'ёслэсь.

Знаменитой ученойлэн селекционер — плододлэн И. В. Мичуринлэн кулэм нуналысье-ныз 7 июне вить ар тырме.



Иван Владимирович
МИЧУРИН.

И. В. Мичурин

Вань аслэсьтыз плодотворной ужзэ великой русской селекционер, Иван Владимирович Мичурин сётйз ёмыш'ёслэсь удалтонлыкэс, качествозэ умоятонэ. Яблокез, грушаез, сливаез, вишняез уй пала азыланьтыны, нош виноградаз, абрикосез но персикез шор полосае, дикой растениосты высококультурной растениослы пёрмытыны но выль ёмыш'ёсты кылдытыны — та ужын 60 арлэсь но уно кужмо тыршиз „великой садовод“. И. В. Мичурин 300 сортлэсь но уно пёртэм — пёртэм плод — ягодной растениосты поттйз.

Царской правительство Мичуринлэсь ужзэ сантэмалляз. Соны котькыё амал'ёсын ужез нуыны люкетылйз. Нош Советской власть нырысь нуналысьеныз ик Мичуринлы туж бад'зым юрттэт сётыны кутскиз. Плодотворной ужзэ нуыны понна вань условиос кылдытйз.

Мичуринлэсь методзэ али сюрсэн-сюрсэн лыдэськысь колхоз'ёс но совхоз'ёс применять каро ни. Сое яркыт возматэ Всесоюзной сельскохозяйственной выставкае ваем экспонат'ёс.

М. И. Калинин эш Бакуын

Бану, 1 июне. (ТАСС). Туинэ Бакуэ вуиз СССР-лэн Верховной Советэзлэн Президиумезлэн Председателез М. И. Калинин эш.

Вокзаллэн перрон вылаз султэмын Бакинской гарнизонлэн но Каспийской военной флотилилэн частьёсыныз почетной караулзы.

Люкаськем калык Калинин эшез зырдыт зечкылаз.

ПАРТИЙНОЙ УЛО

ВКП(б)-лэсь историзэ изучать уг каро

ВКП(б)-лэсь историзэ изучать карон бордын ужало тресэз коммунист'ёс. Сыче коммунист'ёс, куд'ёсыз нуналысь-нуналэ жуто асьсэлэсь тодонлыкэс, соослэн ужзы но умойгес пуктэмын луэ ас участоказы.

„Диктатура пролетариата“ колхозысь первичной партийной организации, кудйз коммунист'ёс тае ёз валалэ на. Занятие соос чем сорвать каро, яке дасясыктэк лыкто. Ф. Ф. Веретенников даже вунэтылэ занятылэ нуналэ. А. В. Толстикова, У. Л. Ушакова но А. Т. Васильев лыкто ке но занятие, нурулыса ги-

нэ пуко. Тйни макем урод отношеныз тодонлыкэс жутонын таослэн. Бен ужзы но соослэн сыче ик.

А. В. Толстикова МТФ ын ужзэ ёз быгат пуктыны. Скал'ёсыз туж востэтэсь, удойностез улын. Ф. Ф. Веретенников колхозлэн председателез лунса ужаны ёз быгат. Нош Ушакова колхозной ужлэн палэназ улэ. Сола, коммунисты ужын азьвортгйсь луоно вал. Тйни ма луэ сыче коммунист'ёсын, куд'ёсыз асьсэлэсь идейно-политической уровеньзэс жуто бордын уг ужало.

Пропагандист ИВАНОВ.

Наркоминделын

Огедлы огед юрттон сярсы советско-литовской договорлэн соответствиес'я литовской республикалэн территория вылаз луйсь советской гарнизон'ёсыс военно-служашойёслэн бышылонзылэн та берло дыре уно случайёсыз инты бастызы. НКВД-лэн киулаз луйсь даннойёс возьмат, что та „ышылон'ёс“ организовать каремын вал литовской правительстволэн орган'ёсызлэн покровительствовенызы пользоваться карисыкись куд-ог адямиосын.

Озы, Н-ской танковой бригадывь красноармеец-шофер Шмавгонец частысь ышиз та арын 18 мае но берытскиз 26 мае. Шмавгонец командовавилы вераз, что 18 мае со кутэмын но тодмотэм коркае нуэмын вал, татын со подвалэ пытсамын вал но 7 нунал пукиз. Кёвья ке нунал'ёс чоже Шмавгонецлы сион но, ву но ёз сётэ. Ворасьёс, насилосын но ыбонэн кышкатыса, танковой бригадалэн состояниез но солэн вооружениез сярсы солэсь ивор'ёс бастыны туртскизы. 25 май потон уй Шмавгонец сиз'ёссэ керттыса город събры нуэмын но отын лэземын вал.

Та танковой бригадывь ик красноармеец-шофер Писарев 24 мае ышиз но берытскиз 27 мае. Писарев вераз, что 24 мае жытазе, ку со бригадалэн грузовой машинасызлэн парказы вал (парк литовской пехотной полклэн помещениосыныз одйг азбрын луэ), со вылэ 6 мурт нападенне лэстызы. Нападаты карисыёс солэсь ымзэ чоксазы, йыр вылаз мешок дйсызы, годмотэм инты пала нуизы но подвалэ пытсазы. Татын со куинь нунал вутэк но сионтэк пукиз. Ворасьёс насилосты уже кутыса, Писаревлэсь куаллязы танковой бригадалэн состояниез сярсы, тужгес ик бригадалэн кытчы воштыськон ужпумынз интересоваться карыса. Писарев водосточной трубалэн люкез пурты пегзыны быгатйз.

Кыкез ик красноармеец'ёс — Шмавгонец но Писарев — туж курадзытэмын но вост-

мытэмын, со вера секыт лишениос сярсы, куд'ёссэ соос чидано луизы.


Со сяна, младшой командирен Бутаевен тае случай вал. Бутаев воинской частысь та арын февралэ ышиз. Бутаевез утчан сярсы Советской командованилэн требованиезлы ответ сётыса Вильноысь литовской власт'ёс изортйзы, что 12 мае Бутаев, сое кутыны турткон дыр'я, ассэ ачиз быдтйз. Та дыр'я литовской власт'ёс ивортйзы, что со ымаз нбыса кулйз, нош шойзэ учкем бере шарарыкыз, что рана сиолэм котырын вал. Противоречивоес луизы литовской официальной адмиослэн уно мукет верам'ёссы но.

Советской военно-служашойёс пёлысь Литваын ышонлэн кык случайёсыз инты бастызы на.

Та арын 25 мае Иностранной Уж'ёс'я Народной Комиссар Молотов эш Советской правительстволэн нимыныз Литвалэн правительствозлы литовской республикалэн Москваысь посланникез г. Наткевичиус пыр заячление лэстыз. Заячление вераз, что СССР-лэн правительствозлы литовской орган'ёслэсь тае лумо поведениез Советской Союз вылэ провокационное но секыт бервыл'ёсын кышкытэн. Советской правительствозлы Литвалэн правительствозлы потребоваы кариз та провокационной уж'ёсты быдтыны но ышем советской военно-служашойёсты утчаны жегатскытэк ужрад'ёс кутыны. Советской правительствозлы осконзэ вераз, что литовской правительствозлы солэсь предложениосэ пумиталоз но сое мукет ужрад'ёс кутыны вынудиты уз кары.

ХРОНИКА

Удмуртской АССР-лэн Верховной Советэзлэн Президиумез С. А. Максимов эшез дышетскыны кошкыныз валче УАССР-лэн Пищевой Промышленностезлэн Народной Комиссарезлэн обязанностизылэсь мозмытйз.



Мологатовской областысь, Караканской районьсь Бурденныйлэн нимыныз чинам колхозысь 1940 арын Всесоюзной сельскохозяйственной выставкалэн кандидат'ёсыз — СТФ-лэн заведующеез П. В. Кайгородова (бурпалаз), кудйз фермаяз шорлыдын вераса, мумы парсылы быдэ быдэн 20 парсьпинос бастыны быгатйз но свинарка О. А. Носкова сола юнматэм парсьпинослэсь быдэн 20,5 парсьпинос бастыз.

Граница събрысь ивор'ёс

ЗАПАДНОЙ ЕВРОПЫН ВОЙНА
Нырысетй французской армиялэн
главнокомандующеез пленэ бастытэмын

БЕРЛИН, 31 мае (ТАСС). Германской информационной бюролэн ивортэмез'я, 29 мае германской войскоос Кассельлэн северо-восток палаз нырысетй французской армиялэсь командующийэз Приу генералэз пленэ кутйзы. Озы ик пленэ шедэмын трос вышшой французской офицер'ёс.

ЛОНДОН, 31 мае. (ТАСС). Рейтер агенство военной действиос сярсы толон жытазе Парижын опубликовать карем официальной французской ивортонзэ сётэ. Со ивортоннын верамын, что „севере кылем войскоос дугдылытэк жугисыкон'ёс нуыса передвижение сярсы командованилэсь приказэз быдэс'яло. Сомма шур бордысь фронтлэн бадзым участоказ жугисыкон'ёс мыно. Эн шур бордын но восточной фрон-

тын номыриз ик воштыськемын ёвёл“. Туннэ чукна сётэм ивортоннын верамын: „Северын операциос азьвыл кадй ик туж лекесы мыно укрепленной лагерь Дюнкерк котырын. Сомма но Эн шур'ёс бордын местной операциос ортыло. Эн но Маас шур'ёс кустын кужмо артиллерийской ыбылыськон'ёс мыно. Маас но Мозель шур'ёс кустын противниклэн вылазкаез дугдытэмын“.

ЛОНДОН, 31 мае. (ТАСС). Рейтер агенство аслаз военной корреспондентэзлэсь ивортонзэ сётэ: „Северын жугисыкон'ёс кутскем дырысен немец'ёслэн 5 сюрс танк'ёссы пёлысь 2 сюрсэз быдтэмын, 2 сюрслэсь трос бомбардировщик'ёссы но истребительной самолет'ёссы быремын“.

Сельхозартельлэсь
уставзэ тйяло

Никольской сельсоветысь „Пятилетка“ колхоз сельхозартельлэсь уставзэ тйя. Со азыло ик шёдске со бордын, что коллективизаци дыр'я колхозник'ёслэн обобществиты карем имуществовы вузаны шедэ. Со обобществиты карем имуществоосты огазеяса колхозной гид'ёсты лэстыон уж уг мыны. Соин колхозын вал'ёс одйг вис'этын кык, нош куддыр'я куинь но луыло. Тйни вал'ёс соин уродэсь уло. Озы воземен тулыс одйг. молодняк кулйз.

Верано луэ сое, что обобществиты карем имуществовы вузаны пукто колхозник'ёслэн общей собраниязы, кудйз являты карисыке сельхозуставез быдэсак нарушаты каремен.

Обобществиты карем имуществоосты ваньзэ колхозной строительствозе кутыно.

ДАНИЛОВ.

ФЕЛЬЕТОН ИНТЫЕ

А-ха, шедиз ук...

Сыче адымез, яке пудоз, кудйз кётсэ вамен карытозё сийе, зуч кылын верало просто—обжора. Проститы карелэ, гажано лыдзисыёсы, собыдча кыл верамелы. Туж юн, лэся, куасалтй. Но тйялэ калык'ёслэн вераскыныстызы вань кылымды, что: „Кыче со аштэм. Слоиы, жок събры ик пуктыны керпотоно“. Бен, шуо озы.

Нош сыче муртэз, кин выде ас понназ гинэ, сое тырмостэм шуо. Нош оло огшоры гинэ тырмостэм шуыса малпады-а? Ёвёл, ёвёл. Отчы ватсало на эшшо „пуны“ кыл. Озы тйни пёрме, тырмостэм пуны“. Озы ке но пуны бордын ёвёл уж, а тани ма бордын.

Одйгелй июне, Бачумовской сельпо отделениосаз вуз лэиз. Мон но отын вал, ей, ей, уг пёсыкы. Зюиноысь продавец, (эк-кой фамилизэ вунэты), отын ик пыд'ёссэ ботинки пушкы довгиз ужо. Кыче чырмыт! Сыче чырмыт мурт оло вуз ваемлы быдэ, отделениыз вуттэмезлэсь азыло ик кепыртэ ни. Бен ум адйське, олокызы. Али нош сельполэн но ревизионной комиссиялэн председателёсыз азын но ёз шугекты ук.

— „А-ха, шедиз ук, мынам таиз“, — малпаса, вылды, зюинской колхозник'ёслэн адзёмзылэсь азыло жамтйз. А сельполэн но ревизионной комиссиялэн председателёсыз, озы ик кулэ но, со законно вылды, малпаса, одйг кыл но ёз поттыле. Неужто медам, тае поступоклы райпотребсоюз но кылзэ вератэк кылез. Кылскаме, эш'ёсы, зэм ик, ма шуоз райпотребсоюз.

ПЕРМИНОВ.

Ответств. редактор—А. Веретенников.

ГЛАЗОВСКОЙ ГОСУДАРСТВЕННОЙ
УЧИТЕЛЬСКОЙ ИНСТИТУТ

1940 арын дышетскисыёсты кутон ялэ

Кыл'я но литература, физико-математической но
естественно-географической факультет'ёсы

УЧИТЕЛЬСКОЙ ИНСТИТУТЭ кутысько 17-40 аресозь граждан'ёс, средней школалэсь, ичиз вераса, 9 классэ быдэстэм'ёс. ИНСТИТУТ НЕПОЛНОЙ БРЕДНЕЙ ШКОЛАОБЛЫ ПРЕПОДАВАТЕЛЬЭСТЫ ДАСЯ.

ИСПЫТАНИОС луозы: СССР-лэн калык'ёслэн историзы но СССР-лэн Конституциез'я, зуч кылын (письменной сочинение, грамматика но литература); со сяна физико-математической факультетэ пырысьёс испытание возэ физика но математика, естественно-географической факультетэ пырысьёс—географие но естествознаниен.

Бредней школаез быдэстэм мурт'ёс но кинлэн ке отличниклэн аттестатэз вань яке рабфакез ваньмыз'я дисциплинаос'я (черчение но рисование вератэк) „отлично“ отметкаен ке быдэстэмын, дышетскыны вступительной испытаниостэк кутысько.

Заявление борды тае документ'ёс кулэ: дышетскем сярсы справка (подлинник), автобиография, куинь фотокарточка, тазалык сярсы справка, воинской обязанности сярсы справка. Паспортэс ачизэс лично ваё.

Заявлениос кутысько 20 июнысен 1 августозь.

Испытаниос 1 августысен 20 августозь луозы.

Студент'ёслэн лыдазы зачислят карон 21 августысен 25 августозь мыноз.

Студент'ёслы стипендия но кинлэн ке ёвёл ке квартираез общежитие сётыське.

ДИРЕКЦИЯ.